



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

II. Diua Metanœa Magdalenae lacrymis sibi concedi postulat.

[urn:nbn:de:hbz:466:1-70461](#)

Lance æquilibri quò scelesto
 Supplicium capiti reponat.
 En fulminatrix dextera Numinis
 Quercum ad superbam stringit, & opprimit
 Claro catenatos tropæo
 Nobile ludibrium cerafas.
 Stridet tenaci compede, & infremit
 Duro metallo vinctus, & anxias
 Spiræ, inabrupto illaborans
 Ingeminat laqueo chelydrus.
 Hic ira, liuor, fœdus amor, gula,
 Auri cupido, fastus, inertia,
 Stricti sub æratâ catenâ
 Sanguineo stadio ingemiscunt.
 Vexilla celsâ turre sed arduus
 Victor reponit Magdaleum in decus,
 Prona ut ruinâ deuolutos
 Fudit Amor populans dracones.
 Turrim en corusco sidere, gratia
 Septena Pleias lustrat, & aureæ
 Diuæ triumphales honores
 Purpureis radiis coronat.

I I.

Diua Metanæa MAGDALENAE
crymas sibi concedi postulat.

VNDA iugis, vnda dulcis,
 Vnda lenis adnata:
 Vis doloris impotens
 Feruidas mihi medullas
 Torre decoquit procaci;

Cor

Cor Amore liquitur.
 Vnda iugis, vnda dulcis,
 Vnda lenis adnata,
 Frigerante cum flabello:
 Fax babit medullitus,
 Ossibus cauisque venis
 Quisquis humor innatat.
 Vnda iugis, vnda dulcis,
 Vnda lenis adnata,
 Molliore cum fusurro:
 Vita migrat artibus,
 Deque corde, deque venis,
 Exsul his sub ignibus.
 Vnda iugis, vnda dulcis,
 Vnda lenis adnata,
 Viudi liquoris vrna:
 Vnde rore succido
 Pabulum bibat saltubre
 Fax alumna sanguinis.
 Vnda iugis, vnda dulcis,
 Vnda lenis adnata,
 Puriore cum liquore:
 Aestuante Sirio,
 Cerne, puluerosus vsta
 Corda squallor obserit.
 Vnda iugis, vnda dulcis,
 Vnda lenis adnata,
 Gemmeasque sparge guttas:
 Hic seram rosarium,
 De cruore, deque rore
 Flebili bis ebrium.
 Vnda iugis, vnda dulcis,

G

Vnda

Vnda lenis adnata,
 Roscidâ pluens ab vrnâ,
 Algidisque lacrymis:
 Flos sitit, sitit rosetum;
 Frigera cor igneum.
 Vnda iugis, vnda dulcis,
 Vnda lenis adnata,
 Candidos trahens liquores:
 Anxijque lilij
 Languidum caput, rosamque
 Imbre pasce lacteo.
 Vnda iugis, vnda dulcis,
 Vnda lenis adnata:
 Curre, curre, dein recurre;
 Quid morare segnipes?
 Flos fugit, fugit rosetum;
 Curre, curre promptior.
 Vnda iugis, vnda dulcis,
 Vnda lenis adnata:
 Eia, Nympha quid moraris?
 Nympha, Nympha mobilis?
 An sedes tenace musco,
 Herbidâve compede?
 Vnda iugis, vnda dulcis,
 Vnda lenis adnata:
 Rumpe vitreas habenas
 Lubrico sub agmine;
 Cæruloque vecta curru,
 Dulcis hospes aduola.
 Vnda iugis, vnda dulcis,
 Vnda lenis adnata:
 Ea rosa siticulosa

Flos

Flos anhelus oscitat,
Ardet, ardet, ardet imbris
Quos dat alma lacryma.
Vnda iugis, vnda dulcis,
Vnda lenis adnata,
Lacteā fluens mamillā:
Hinc & inde roscidis
Lacrymis rosas marita,
Marcidumque lilyum.

I I I.

MAGDALENA *Dina Metanæa*
flores lacrymis irrorat.

VNDA iugis, vnda dulcis,
Vnda lenis adnata:
Funde gemmulas liquentes;
Et tibi venustiore
Purpurā struam corollas,
Gratus adstruam decorem.
Vnda iugis, vnda dulcis,
Vnda lenis adnata:
Milita tuis coronis;
Lacte, melle, saccharo,
Lacrymis, meroque, nardo,
Imbuam comas rosantes.
Vnda iugis, vnda dulcis,
Vnda lenis adnata:
De tuis ineibriandas
Lacrymis rosas inunda;
Cassa vota fors acerbos
Ne bibant doloris imbris.

G 2 Vnda

